

# 破次元 万物皆可火锅!

滴! 广东冬季体验卡已激活! 天寒地冻,火锅好相伴! 对于火锅拥趸而言,何也问题係打一餐边炉解决唔到嘅,如果有,就整翻几件充满火锅元素嘅跨界周边,在“形”、“色”、“香”、“味”多个方面感受进击的火锅魅力。

陈祉伶/文  
网络、品牌官网/图



辣椒耳环

八角耳环

锅形!

火锅文创周边中用得最多嘅元素,铺满可食材嘅鸳鸯锅造型一定排第一。将极具标识性嘅锅底造型搭配诱人食材,融入日常使用嘅饰品、抱枕、手机壳……睇得用得,虽未能满足口服之欲,但起码可以在工作、学习等沉闷时刻一饱眼福! 呢份无孔不入嘅相伴,深得火锅迷嘅欢心,尤其啱晒识饮识食广州人嘅口味! 此外,用藕片、八角、辣椒等火锅料做灵感来源创作嘅耳饰,造型自带设计美感,脑洞大开又够新潮,都颇受欢迎。

## “色”诱!

“美食+美妆”呢个组合一直係联名跨界嘅热门选手,麻辣火锅独有嘅鲜艳亮丽色彩,又令各大火锅品牌在跨界美妆的领域混得如鱼得水、风生水起。一方面大众认知度颇高的火锅连锁,可以联名美妆品牌,推出定制系列美妆产品,打出以“热辣”为主题的整体氛围感和商品调性;俘虜美食吃货同美妆爱好者双重流量;另一方面,又可以将原本平平无奇嘅红椒、番茄、生姜等火锅食材色素,融入到了周边产品中,打造“纯天然、无添加”的品牌属性,一举多得创意无限。



## 觅“香”!

如果视觉体验未够满足,不妨挑战一下嗅觉嘅冲击! 烟雾缭绕、滚辣辛香嘅复合味道,係多少火锅迷魂牵梦萦嘅心头好。所以,造型仿真、气味复刻嘅火锅味香薰蜡烛应运而生,带给你视觉、嗅觉嘅双重感官体验。当然,如果係接受度比较低嘅朋友仔,或者係想做小小恶作剧,仲有果香型嘅火锅底料香薰、香皂,值得一试! 不过请记住,千祈唔好食落肚㗎。



## 寻“味”!

当然,火锅最令入着迷嘅係带带来的味蕾的爽快感。薯片、炸鸡……只要你想,零食界几乎万物皆可“火锅味”,高度还原鲜香风味,令你随时随地可以过足火锅瘾! 如果係爱食火锅味,又执着于身材管理嘅朋友, Color 推荐呢款火锅店同牙膏品牌 cosover 推出嘅猎奇联名产品——“火锅牙膏”。呢款跨界潮品以大胆创意,打造独特的口感,如果薄荷已经不能唤醒你的沉睡因子,考虑试试呢款牙膏,保证焕发清晨新活力! 值得一提嘅係,牙膏品牌好贴心,将成个系列分成唔同辣度,满足晒南北差异顾客嘅口感需求,创意满分嘅同时贴心度都拉满!

# 林晓峰 我嘅人生 非常完美

“大湾区”哥哥又嚟啦! 阿lo 林晓峰因为《披荆斩棘的哥哥》回归大众视线,近日佢空降羊城创意产业园,打卡、叹咩之余,仲喺咁搵 Color 倾密计! 经历咗一场“披荆斩棘”之旅,阿lo 最大得着有啲咩? 平时咁潮嘅佢,关注最多又係咩? 跟紧 Color,听阿lo 为你逐一解答啦!

郭玮/文 杰仔、秦丽莹/图

## 台上台下的友情岁月

讲起早前收官嘅《披荆斩棘的哥哥》,林晓峰表现出十足嘅唔舍得。当初抱住接 job 赚钱嘅心态接受节目组邀约参加节目,阿lo 同其他“大湾区哥哥”一样,从未论过自己会如此备受瞩目。今佢至今不能忘记嘅舞台,係同陈少春、谢天华一起合作嘅初舞台,《友情岁月》佢佢地揀嘅勾起观众“港式回忆”嘅最佳代表作,阿lo 仲用一个“Leon 式金句”来纪念个 moment:“唔係我拣呢首歌,係只歌拣咗我!”



“大湾区五人组”好团结,上班全员听唔明普通话,收工又一起佛系展现真性情,呢份难能可贵嘅感情,係阿lo 参加节目嘅最大收获。试过未体验过舞台,做咗自己中意嘅事,无论结果係咩,但都觉有遗憾了。阿lo 觉得自己嘅人生非常完美,有人想交换佢会 say no。对于质疑佢地係“瓦面藤菜”嘅声音,但就话其实佢地几个事业心好重,聊天群组都净係会倾公事。节目录制时长感人,大家都已经有咩时间可以 hea:“我哋上班、落班都係一条龙,因为我哋係‘龙的传人’!”



## 通透自在快活人

基于香港人对普通话发音嘅“错误执着”,阿lo 嘅节目上创造咗一套独有嘅“lo 式普通话”,将“儿化音”同“卷屑”用到极致。而正係佢嘅这份心思,令到“港普”成为“大湾区哥哥”嘅综艺点,阿lo 对此表示:“大家见到我哋觉得好笑咪啱,我哋做综艺啱嘛!”阿lo 仲自曝,平时网上冲浪会搜下自己嘅名,自言记性唔好又笑称自己识字唔多,佢话:“除咗自己个名,之前都搜索‘披荆斩棘’,但太多字啦……轻轻松松松林晓峰就好啦!”



## Enjoy 过程,投入热情

对于未来嘅发展,阿lo 话会尝试更加多元嘅方向,最近佢都有考虑同音乐人合作,出下单曲,但佢唔会帮自己定计划,因为佢觉得有人可以做到完全按计划行事,亦有人可以预测结果。阿lo 希望大家可以 enjoy 每件事嘅过程,投入自己嘅热情去做事,开开心心咁,世界就会变得更美好! 近日,《大湾区的夜》开播,“五人组”重聚又开始发射笑弹。化身“卫生部长”嘅阿lo,对大排档嘅方方面面都照料到一丝不苟。Color 知道,“轻轻松松”係佢俾大家嘅祝福,“投入每件事嘅过程”先係佢做人嘅态度,通通透透,真係完美人生!

